


Gaychamv Parybuk

Program Manual



Mi manual khou piumei pary guay hei Gaychamv Parybuk nunc khou rui e.

Gaychamv Parybuk Program Manual. Copyright 2015. India khou nammei. Kalam thai mbu
khang: WBTC India, P.O. Box 8478, Bangalore 560084. Email: info@wbtcinia.com

Baibal ningtow chyam guay hei Ruanglat tuang Nthanmei Baibal khou rui e.

Kazauhmei Mung Nunc

Kalam Dinclouemei.....	2-3
Akumhna Kamaengc Hyna Dinc Nina.....	4-5
Thaydwan 1.....	6-9
Thaydwan 2.....	10-13
Thaydwan 3.....	14-18
Thaydwan 4.....	19-23
Thaydwan 5.....	24-27
Thaydwan 6.....	28-31
Thaydwan 7.....	32-34
Thaydwan 8.....	35-38
Thaydwan 9.....	39-42
Thaydwan 10.....	43-46
Thaydwan 11.....	47-49
Thaydwan 12.....	50-52
Thaydwan 13.....	53-55
Thaydwan 14.....	56-58
Thaydwan 15.....	59-62
Thaydwan 16.....	63-66
Thaydwan Kasiamhmei.....	67
Huayne o.....	68

Kalam Dincloumei



Ramh khat
taancna
ncham ti
thei meic
guayna
thay gay
liang e.

Dinhmung
akhat nai ti
thei meic
guayna
thay gay
liang e.

Kaluaih
dat dat ti
thei meic
guayna
thay gay
liang e.

Ramh khat taancna ncham ti thei meic guayna thay gay liang e.

Latkhang: Kamaengc hyna, lu suanna, kathak sw lyanna, kathak zaucna ramh e thei lat sana.

Dinhmung akhat nai ti thei meic guayna thay gay liang e.

Pary, action lu, object lesson, Baibal ningtow chyam tuang talicmei, ntaw aniu panty khou laalouna piu nimei, mi guay khou hei kalam nchamcmei akhat na ramh e thei dinhmung akhat na de. *Latkhang:* 'Jisu hei mbaanv khang gaanhmei e' twmei dinhmung hei thaydwan khou sw nimei taanv guay rui lyanlou nthan e.

Kaluaih dat dat ti thei meic guayna thay gay liang e.

Latkhang: *Gaychamv Parybuk nunc* khou rui pary akhat rac o. Alauc akhat ta mi pary tei meic guayna khou ti rac o, mi tangv baihmei alauc akhat ta ni mi pary tei ti rac o, ramh e thei pary rac tang pw khou alauc nunc ta mi pary maengc tei ti hy o, ramh e thei pary rac tang pw khou mi pary lam tei alauc nunc khou thanv o.

Gaychamv Parybuk tuang Program Manual

Gaychamv Parybuk khou thaydwan 16 nai e. Thaydwan guayna khou *Gaychamv Parybuk nunc* khou rui pary akhat, action lu akhat, object lesson akhat, Baibal ningtow chyam game akhat khatni laalou nuhmei nai e. Thaydwan guayna khou alauc nunc ramh akhat sw puni e.

Thaydwan akhat khou azuh lou ni cho twmei thu nang alauc nunc lev taanv sw nimei ganv dak khatni kaniw tuang tingkwm thaek khou nai the. Thaydwan guay khou rau nganv *Gaychamv Parybuk* khou rui pary akhat, action lu khatni laalouna piu numei lou nina e.

Program thaek akhat luaimei kathuic, mi thaydwan nunc khou piumei *Gaychamv Parybuk* tei alauc nunc khang tii nina e. *Gaychamv Parybuk Program* luai pw khou alauc kathuic buk charuk charuk laatow nina e.



Action lu akhat: Lu lat khatni action guay chiwna thay nuhmei piu nina e. Lat tei lev chamei khwanlwan kasiamh nuh e, ramh e thei nai bammei thaymei action lu akhat khou rui laa nuh e, ramh e thei nang rui lu gwan damc nuh e. Nang rui piu khang kapahmei action lu rui mi thaydwan tuang dinhmung ta dinc nina e.

Alauc nunc action lu tei thay khang kage naimei thei layna kaluah dat dat nina e.

Object lesson akhat: Object lesson tei Ravguangc lam dinc nuhmei alauc nunc tingmik pum how bammei ramh akhat nina e.

Latkhang: Jisu hei Mbaanv khang Gaanhmei e twmei dinhmung dinh khang: mai guay sw mitna kainung ti zingclou o. Khuailiw mairam daancna khuailiw mai riw rui zinghmei ta ti maan e twmei lyanlou tio. Jisu hei khuailiw mai riw kumh tuang e, kamei bumaengh tuang gaanhmei e; simei bumaengc guay tuang zinghmei khatni aniu rui saloumei, ningloumei khatni taancloumei simei guay tuang zinghmei ta kamei rui thui ganclou ngam e twmei dinclou nuh e.

Baibal Ningtow Chyam game akhat: Mi hei alauc nunc thaydwan tuang dinhmung khatni Bible chyam thay khang nkhlou khang e. *Gaychamv Parybuk program* khou Baibal ningtow chyam game nai e. **Latkhang:** Baibal ningtow chyam tei kathak sw lyan o (lat sa makna khatni khwan pat makna) kumna alauc nunc liangc liangc swna kathak sw bammei tei tabui cho twmei dinc pat khang sw kan diu. Baihmei talic numei lanv phumei, guessing game competition, baihmei mpeyna ni kazauh e.



Laalouna Piu Nimei: Dinhmung tei rui aniu panty khang tabui dinh tu cho twmei alauc nunc thaymei nthukmei e. **Latkhang:** Jisu hei mbaanv khang gaanhmei e twmei tuang dinhmung khou aniu khang laalou nimei thu: Aniu Jisu khou Iwmlou pw khou, simei bumaengc guay ta nthau ganh khang Kamei hei bumaengh tuang gaanhmei e. Simei bumaengc nunc aniu ruc khou pumtan maek e.




Akumhna Kamaengc Hyna Dinc Nina

Pary rah khou nang kamaengc nam khang khatni hy khang mi manual khou hei kamaengc nai geic e. Mi sap khou hei kamaengc katumcna hymei thiak nang thay nu khang nai e.


Nang kamaengc hyna pary raclou tang pw khou, alauc nunc nam ngam puni ramh e thei mi pary tuang maengc kaniw rana hy ngam puni.

Taanhmei naa: Blackboard khatni chalk, ram e thei niang khatni hiak nimei tuang thing tang, ramh e thei chepaek khatni pensil. Alauc nunc khang hy nlang nimei paek, che, pensil khatni eraser kage nai e.





Thaydwan 1



Dinhmung Akhat

Damhpouc
Ravguangc
rui ramh
guayna
damclou e

Damhpouc Ravguangc rui ramh guayna damclou e

Baibal Pary

Damhpouc Ravguangc rui ramh guayna damclou e, twmei dinhmei pary sinsw o

Gaychamv Pary Buk Akhat. Kasap 2-9. *Damhpouc Racguangc.*

Taanhmei naa: Blackboard khatni chalk, ram e thei niang khatni hiak nimei tuang thing tang, ramh e thei chepaek khatni pensil. Alauc nunc khang hy nlang nimei paek, che, pensil khatni eraser kage nai e.

Kamaengc hyna kapary rac o. Kasap akhat pac tangmei sik alauc nunc khou thanv o.

1, 2, 3 pary kahouh tho...

Gaanchuangcna pang ta ai how ngam e. Gaanchuangcna pang lu suan bam e.

Latthanv: **Damhpouc Ravguangc rui tabui damclou bo?**

Alauc nunc rui: gaanchuangcna pang.

Khouringh pang ta ai how ngam e. Khouringh pang lu suan bam e.

Latthanv: **Damhpouc Ravguangc rui tabui damclou bo?**

Alauc nunc rui: khouringh nunc.

Ai bumaengh pang ta how ngam e. Bumaengh pang lu suan bam e.

Latthanv: **Damhpouc Ravguangc rui tabui damclou bo?**


Alauc nunc rui: bumaengh nunc.

Rey liangmei nggaanvmei lev rey liangmei ntumei ta ai how ngam e. Rey liangmei nggaanvmei lev rey liangmei ntumei tei lu suan bam e.


Latthanv: **Damhpouc Ravguangc rui tabui damclou bo?**

Alauc nunc rui: reymei nggaanvmei khatni ntumei.

Damhpouc Ravguangc rui hei kumcna sa bammei ai chu ngam e, 'Ai nangniw ta nzian e!' Ai lu suan kahou khwan the.



Thaydwan 1



Latthanv: **Damhpouc Ravguangc rui tabui sa bo?**

Alauc nunc rui: Ai nang ta nzian e!

Damhpouc Ravguangc rui hei kumcna sa bammei ai chu ngam e, 'Atuang nthuihmei kandih ta zauh sinclou o.'

Latthanv: **Damhpouc Ravguangc rui tabui sa bo?**

Alauc nunc rui: Mi pary maengc hy khang alauc nunc ta sa o.

Ramh kapum na rui lusuan...lusuan...lusuan bam mei ta ai chu ngam e. Ramh katana rui Damhpouc Ravguangc khang lu suan bam e. Damhpouc Ravguangc rui ramh katana ta damhlou e.

Mi pary maengc hy khang alauc nunc ta sa o.

Action Lu

Damhpouc Ravguangc rui ramh guayna damclou e, twmei dinhmei action lu sinsw o

Damhpouc
Ravguangc
rui ramh
guayna
damclou e

Alauc nunc: 'Ravguangc rui damclou.' (*Baan* *hiw o: de de-de de*)
Tadin: 'gaanhmei, chaengluan guay how khang.'

Alauc nunc: 'Ravguangc rui damclou.' (*Baan* *hiw o: de de-de de*)
Tadin: "dui, panty khatni zangv khang."

Alauc nunc: 'Ravguangc rui damclou.' (*Baan* *hiw o: de de-de de*)
Tadin: 'ramh bang khati tingthai aniu tu khang.'

Alauc nunc: 'Ravguangc rui damclou.' (*Baan* *hiw o: de de-de de*)
Tadin: 'Gaanchuangna rui zinghmei zingbangc tingpuk ta tigaanh khang.'

Alauc nunc: 'Ravguangc rui damclou.' (*Baan* *hiw o: de de-de de*)
Tadin: 'khav khatni nruay aniu tu khang.'

Alauc nunc: 'Ravguangc rui damclou.' (*Baan* *hiw o: de de-de de*)
Tadin: 'Nggaanvmei khatni ntumei pam sw khang.'

Alauc nunc: 'Ravguangc rui damclou.' (*Baan* *hiw o: de de-de de*)
Tadin: 'mi tei gay hak the, ngguay gay hak the.'

Thaydwan 1

Object Lesson

Damhpouc Ravguangc rui ramh guayna damclou e, twmei dinhmei object lesson sinsw o

Damhpouc
Ravguangc
rui ramh
guayna
damclou e

Zaucna Thay khang: Muangh guay ta zauc o, muangh guayna muangh rana e, tiki muangh guayna baic ngam e. Zingbangc gaanchuangcna guay ta zauc o, gaanchuangcna guayna gaanchuangcna rana e, tiki gaanchuangcna guay hei baic ngam e. Guaih guay ta zauc o, guaih guayna hei guaih rana e, tiki guaih guayna baic ngam e. Maansei ta zauc o, maansei guayna maansei rana e, maansei guayna baic bac ngam e.

Ramh guayna ta damcloumeipu akhat na de. Damhpouc Ravguangc rui ramh guayna damclou e. Damhpouc Ravguangc rui nchamcmei damclou e tiki kaguayna baic ngam e.

Baibal Ningtow Chyam Tuang Talicmei

Damhpouc Ravguangc rui ramh guayna damclou e, twmei dinhmei Baibal chyam sinsw o



Ringhpouc twmei hei Damhpouc Ravguangc zanc baihmei akhat e twmei dinclou o.

Kalumlu 146 Kathaek 1 lev 6 ‘*Ringhpouc ta thuanc o! Ringhpouc ta thuanc o, he abumaengc! Ringhpouc Racguangc hei, tingpuk, kandih, duipui khatni mi lungc khou bammei katana ta damcloumeipu, kamei hei lwmnuhmei e tingsaengzaeng.*’

Lanv Phumei: Chepaek akhat khou, ‘Ringhpouc ta thuanc o!’ twmei hylou o (mi tei zay kadat patna meic gaanv khat kalum bammei maengc hylou o). Che paek baihmei akhat khou, ‘Ringhpouc ta thuanc o!’ twmei hylou o (mi tei zay kadat patna meic gaanv khat kalum bammei maengc hy o). Che paek baihmei akhat khou, ‘Ringhpouc ta thuanc o, he abumaengc!’ twmei hylou o, (che paek tei zay kadat patna meic gaanv khat kalung syng khou rui kalum bammei maengc hylou o). Che paek baihmei akhat khou, ‘Kamei rui tingpuk khatni kandih damclou e,’ twmei hylou o, (che paek tei zay kadat patna tingpuk khatni kandih maengc hylou o). Che paek baihmei akhat khou, ‘Kamei rui duipui khatni mi khou naimei katana damclou e,’ twmei hylou o, (che paek tei zay kadat patna duipui khatni khav maengc hylou o). Alauc nunc guang mak khou mi che paek tei kabamv baih bai khou rylou o. Che paek baihmei panguh khou mi ryloumei bamv nunc tuang map hylou o.

Thaydwan 1

Alauc nunc ta kakang panguh tamclou o. (Alauc gaanv 5 tangh mak e thei, map akhat khou meic guyna kakang akhat swna phu kan diu). Kakang akhat khou gaanvdaih liangmei rui kapy sw lana alaucmei nunc ta nkhav kan diu. Kakang kathuicna khang katuang katuang map tilou o, ramh e thei phu pat nuhmei mun nang rui kakang kathuic khang dinclou o.

Kaniw tuang Baibal ningtow chyam phu pat rey reymei tei rui ngammei e.

1, 2, 3 phu tho...

Kakang panguh tei kaniw tuang Baibal ningtow chyam hyloumei che tei phu pat ngam kan e thei, kaniw katuang katuang kang tuang kapy kapah kan diu. Kaniw tuang kapy nunc rui kaniw tuang Baibal ningtow chyam guay tei kalwan nchumhna duanc kariulou kan diu. Kakang tuang kapy nunc tei kariuna taanc kan diu. Kaniw luai e thei luai the twna sa kan diu.

Kapy nunc tei rui Baibal ningtow chyam tei zay thauna lyan kan diu ramh e thei alauc guyna kalwan nchumhna nchamcna kauc ranvna lay sa khang kaniw rui latzwan akhat akhat swna kauc kan diu.

Alauc nunc tei pac thay makmei nunc e thei, hyloumei maengc tei soucna kaniw ningtow khang latkaeng nunc tei salou o. Kaniw ningtow mak saanv mi Baibal chyam tei kauc ranvna sa dat dat khang sa o. Baibal ningtow chyam tei alauc nunc ta ti how makna, ningtow chyam sa khang sa tio.

Laalouna Piu Nimei

Damhpouc Ravguangc rui ramh guyna damclou e, twmei dinhmei laalouna piu nimei sinswo

Damhpouc Ravguangc rui ramh guyna damclou e, nang lev ata kazauhna. Damhpouc Ravguangc ta na kalum nina e kalam thu Damhpouc Ravguangc rui ramh guyna damclou e.

Huayneymei: Damhpouc Ravguangc, nang rui ramh guyna damclou e. Aniw nang ta na kalum e kalam thu nang rui ramh guyna damclou e. Ramh guyna damcloumei khang nang ta thuancku e. Ata nzianmei khang thuancku e. Amen.

Damhpouc
Ravguangc
rui ramh
guyna
damclou e